

草創歛志序

古者國必有史尼父



脩麟經

萬世法而其取裁亦以百

國寶書則志不綦詳哉

序邦國之志而

二六郡

邑志是已不佞跼伏田間久
上不終棄而予之長歛浦歛于
新安首領邑不佞甫至詢國
故僅郡書數帙夫罷之屬六
安得獨詳歟不有山陵原
隰支委乎不有民物之生息

登耗與籌割制置乎不有敵
懿迪哲煇霄壤振菁藻者乎
不有瑰譎侏佻足備方聞裨
野者乎故爲國者謹于三五
三才之奧弗彰五教之用弗
叶豈不吏茲土者大闢也不

佞乃謀之薦紳先生博士弟子而言志事曰於此之鄉誰為季漢書其人者持議千載斷不少假詎當吾世而今之家置喙薦紳先生輩具以少連對不佞喜得良史訊日闢

館延致之遂與言志曰志也者志也劃黃山練水而都一國令職行史職載令不當于令令無敢志史不當于史史無敢志令與史兩衡而兩究厥志庶不負令不負史哉少

連唯唯敬進曰荀攸監蓋良
史云曰立典有五志焉夫以
通古今彰法式則稽往詔來
之符也以著功勳表賢能則
貞媿揚芳之範也以達道義
則衡鑑董勸之程也時張時
弛時誅時賞令志而行史行
而志故馬遷八書班氏十志
參鎔藻質吾將為總紀者一
春秋魯史上及天王宏緝鉅
要寧叢爾一隅而無關膚理
為考者十一輿域摹規若經

若緯或匡而維或提而特賢
哲所圖綢繆慮始胡坎流變
易而膠柱遽廬爲表者十三
沿革多故胥承寧宇官師遍
建人文蔚起即選用道雜各
新標之遺厲撫宗楠况砥俗
旌名惡至堙坳而散落爲列
傳者十三川嶽效珍芭靈闡
瑞大宏詡亮細務矜激彼游
方之外販夫薄技皆得砭膏
育而佐緩急何乘堅負墉而
睢盱作厲爲載記者四匹夫

發難鼎沸魚糜太阿倒授偉
帥斯涼戎在檣杵摧之惟虺
為執文者六襍記者一玄黃
既剖擷英披華氣貫金石聲
施琰琬安汗漫而無家酉陽
所搜風謠所傳雖鬼瑣不倫

體何擇于葑菲余听然而思
悚然意下曰纒哉先生之
言志也夫左丘明以魯人記
魯事故尼父之春秋主于約
而左氏之傳主于詳杜征南
以為躬覽載籍必廣記而備

言之其文緩其旨遠令行令
志史成史志吾無掣肘史無
面謾斬以銓綜三才茂宣五
教以副荀秘監之五義立典
世有尼父者起而取裁勒

昭代一經傳之無窮則是志稱

歛寶書奚不可也夫能讀三
墳五典八索九丘者寧第遜
吾左史哉于是授簡以戊申
嘉平月念之四日越巳酉暮
春書成凡若干卷而不佞述
所繇志如此歛造無志今肇

志故稱草創少連姓謝氏名
陞季藻書其特筆也謝生彥
章巋然倚肱而編訂精劬得
併書

皆

萬曆己酉孟夏穀旦

寓歛楚黃張濤元裕甫序



歙志序

高皇帝統一區寓迨至

憲廟舉寓內而概志之其後郡邑各
自為志鴻纖鉅碎臚列綦組詳哉
言矣新安故有郡志歙附郭為上
邑何寥寥也歙之有志也自楚黃
張先生始先生以名給諫數忤

旨、不得久居位、

上惠吾歛先生乃起家于歛甫下車
即首詢民疾苦會歲不登饑民嗷
嗷先生蒿目焦思多方拯拯民賴
以全活者甚衆暇則尋討故實穆
然咨嗟不難開兔園碣館為我歛
闡久湮之緒發潛德之光又得破
國志為漢書如謝文學其人者旁
搜博緝不數月而告成書凡三十
卷先生不以衡為不肖而幸然教
之竊惟今之志亦古之史也古史
之失在略而今志之得在詳古史
之得在直而今志之失在史先生
以直事

主何有于筆削斯志也亦猶行古之
直也今夫山川物產則輿地有圖
土田戶口則策府有版科制選舉
則賢書有錄其餘吊詭新奇諧虞
方裨無關理道者姑不暇論古稱
豈弟君子民之父母循良之政率
先愛民卓異之稱終歸悃愾故崇
闇脩者必達獵虛聲者立涸墨墨
者存其名皦皦者取其節華實並
茂者即長言之不足不已說者以
民實有口誰其枉之遺愛未盡孚
而甘棠何蔽芾也先生嚴為之覈
庶幾哉邑志也而國史矣古稱汝
南月旦確有清評故鄉先生歿而

可祀于社者、談何容易、夫其上輔
天子、內秉樞軸、出當一面、生平事業
居然在人覩、記事久論定、何掩瑜
瑕、彼無一善狀者、第為之書爵與
名、使後之人按籍而數曰、夫夫也、
是嘗登甲第、齒貢舉、名存而實亡
可悲也、若乃某也忠、某也直、某也
清、而才某也、功而惠某也、孝友、提
躬、某也、文武為憲、核其實而書之、
庶幾哉、殷鑒不遠、作法自近、亦不
失隱惡、揚善之遺意耳、嗟乎、新安
山峭厲、水激清、其人務為高誼、竒
行、無論丈夫、即婦人、女子、遑遑以
節烈自見、曷為有聞有不聞、則匹

處之地與所遭之時異也。以比閭
族黨之目擊，安能無其實而襲其
名，使父老子弟太息而舉之。長民
者，庶得其情而亟旌之。斯亦足以
示勸矣。其他士習民風，余猶及見
長老稱說，成弘以前民間推少文
甘恬退，重土著，勤穡事，敦愿讓，崇
節儉，而今則家弦戶誦，夤緣進取
流寓五方，輕本重末，舞文珥筆，乘
堅刺肥，世變江河，莫測底止。自先
生以道化民，務與休息，閭右之家
率兢兢奉約束，惟謹。士亦瞿然，頽
化稍稍重繩檢，而趾蹠競。語曰：前
事之不忘，後事之師也。繼自今，蒞

茲土者、睹俗化之遷革、而慨然起
 更化善治之思、則先生之法程具
 在、若夫推廣德意、振起流俗、出為
 名臣、處為貞士、是在吾黨、是作者
 之志、而志之所由行也、其無負先
 生哉、

賜進士第光祿寺少卿前吏禮二部
 主事邑人洪文衡撰



邑後學汪景謹書

歙志草創自序

王弼州之言曰子長不絕也其書絕矣
即千古而有子長亦不能成史記余則
曰夫子往矣其書不絕也後千古而學
夫子亦可以作春秋蓋彼之所指者史
之事辭也而余之所指者史之道法也
事辭則文章不無高下道法則今昔何
有隆污先夫子而有百國寶書劉子玄

以為春秋而魯史則夫子所獨取也後
夫子而虞氏呂氏崔氏諸人皆有春秋
而習氏則獨取法於夫子也孟子以魯
之春秋與晉之乘楚之檮杌並稱而世
人遂以春秋者錯舉四時之名為紀事
之詞此淺之乎知春秋也夫子所作即
不名以乘與檮杌胡不別立一名乃獨
沿魯史舊名而曰吾志在春秋乎若曰
春秋者天之時也春生而秋殺者天之
道也至公而無私者天之心也好生而
惡殺者天之本體也栽培而傾覆者天
之微權也有翳而不定者天之少變也
太虛而終定者天之故常也天之下有
二大人主與史官也其大等於天也夫
子以大夫而作春秋豈但以人主自處
其實以天自處秉天心而行天道者也

大明一統志大地之史惟史館奉

勅以成之郡邑之志一方之史周官所云

外史掌之則郡邑大夫與鄉大夫者也

余小子何敢干焉郡創志則鄉先正羅

鄂州私緝有年一朝而為趙令君昕贊

成者也於歛稍詳而歛從此竟無志矣

楚黃張大夫正色立朝敢言拂

主家食者久矣天惠吾邑

主上惠吾邑忽以大夫臨之稔歲窮民舉

有生世之樂大夫焦勞之外念及於此

徧諏鄉衿紳謬召小子而庭詔之曰惟

茲草創之役子其先為吾獨任之以待

夫三卿者考成焉余固辭弗獲則以大

夫之命往請於方司徒公公曰老夫耄

矣何任丹鉛吾有所以坐進子者吾子

勉旃要在冰心鐵面鑑空衡平而已屬

辭比事子故智耳老夫何贅焉小子退
而就局在新察院乃城隍廟舊基也虔
心密禱不顯大神寔式臨之一私少徇
則降之罰亦願大神牖我之衷毋奪我
之魄於是杜門閉影遙謝知交大夫揭
示用天之道以春秋法從事闔邑之人
始而詫既而搖尋而求終而不知所測
彼此付之無可奈何數月告成乃為表
一通奉大夫暨三廣文與諸鄉衮刑牲
釀酒於新廟城隍大神之前而告之曰
私不敢徇誓在小子公有所悞歸在大
神不則豈能家喻而戶曉乎總惟大神
証盟而已乃退而自惟曰諸考諸表故
事舊文姑置勿論其所重者非人物乎
所最重者非列女乎予則為春不予則
為秋然不勝其繁也無慮千牘余屢繕

焉欲盡信之其焉憑欲盡疑之其不忍
欲盡訪之其何從亦惟密禱於列女之
靈當通神焉當見夢焉私固不有悞則
不無吾盡吾心而已嗟夫米心鐵面既
已敢行於此則又惶恤其他貞魄毅魂
可以恕我則孝子慈孫又當曲有以亮
我矣吾於此有苦心焉此一條也小子
其庶無罪矣乎雖然固也既儒矣而又
曰碩既勲矣而又曰賢其人古今有范
而可以輕立例乎吾於此有悵心焉封
股廬墓即真矣不可為訓矧未真乎吾
於此有疑心焉吾鄉多營市跡絳婦言
則友所未足也而一介之士無行可稱
者甚有終鮮兄弟者輒挂名於此吾於
此有刻心焉徵辟之途既塞隱逸之操
安徵矧科第所未收舍山林其奚適吾

於此有易心焉。選舉遍分，別途若棄而無從立傳，即傳不及詳。吾於此有媿心焉。此數條也。小子其功罪之間矣乎。雖然未也。青鬢振奇，表市門於尹。姑素封為政，躋貨殖於端。朱標榜藝能，遊戲雞鳴狗盜。張皇武畧，激昂驍猛。鷹揚誅巢，直而詡程。羅寓華於鉞，始諧虞而終干一。拾潘於胎，此皆生平之所扼腕。旦夕之所拊膺。睹聽之所沁脾。繡披之所抵掌。亦既有年。一朝受命，秉筆不覺頽然。自放纒纒，乎其不休矣。吾於此有汰心焉。是小子之罪也。夫是小子之罪也。夫雖然猶未也。左袒扶風者，詆龍門踈畧而失真。好奇而輕信，殊不知扶風之出龍門下者，政坐此也。夫春秋重勸懲，而不諱災異。商羊萍實，龍門定信之。而扶

風定疑之矣。余非其人，而好奇輕信之，僻則誠有之，與其輕疑而失之於真，寧輕信而失之不真耳。則有得胡太師鄭太尉皇甫持正章山堂胡僉憲二館人太史黃門蒼頭評事諸事，不啻獲真珠船，後卿韓國舊志已有萌芽，而諸事則皆余索於離朱象罔之際，幾失之，而僥得之者，吾於此有快心焉。是又小子之

微功也。夫此其功罪之紛紛，太虛有翳不免，未定之天也。然則持此以報命於大夫司徒，若曰冰心鐵面，豈敢自功。鑑空衡平，猶不免無罪耳。雖然，尚未也。唐文皇命顏魏諸臣作隋書，而先以天文三志獨屬之太史，令李淳風亦猶謀野則獲禪，謀草創之意也。今茲之草，僅丹青之粉本，坭埴之素胚耳。如其鑿盪章

施則俱有待吾於此有虛心焉冀以來
哲之功贖小子之罪矣乎不自意先荷
大夫之序以為歛寶書比魯春秋也則
小子其何敢

邑後學劉騫謹書

歙志裁校名氏

總裁

張

濤

湖廣黃陂人知歙縣
事前工科給事中

方弘靜

南京戶部
右侍郎

分裁

陶

珽

浙江黃巖人
歙縣學教諭

董

模

南直隸貴池人
歙縣學訓導

陳

一敬

南直隸青陽人
歙縣學訓導

羅應鶴 都察院右僉都御史

洪文衡 光祿寺少卿

鮑應鰲 禮部儀制司主事

畢懋良 南京吏部驗封司郎中

吳中明 河南布政司左叅政

吳士奇 四川按察司提學副使

程元瑜 曹士鶴

方時化 程子鐸

黃願素 吳之俊

鮑觀光 吳達 俱舉人

汪道會 潘之恒

吳文龍 黃校 俱太學生

督閱

潘高梅 四川梓潼縣丞

浦朝辰 山東登州衛人主簿

陳復初 湖廣江夏人典史

分校

余受豐

洪鳳岐

吳德鑑

李春逢

黃龍旂

吳登賢

汪從先

許試奇

胡仁守

方一薇

俱邑庠生

視刻吏胡一相

俞一錦

凡例

凡志浮套甚多每條必具首尾然皆套語
 如城者盛也官者觀也墓者慕也之類
 十部而七殊為可厭創者一槩不用當
 詳則詳不妨滔莽長篇當略則略不嫌
 寂寥短簡如無所建明則一語不下亦
 不為缺

凡志必有圖不但疆域城池之類如秦州

龍馬曲阜孔林特表固宜本邑常圖之外山川最勝乃今亟于考成不及周覽姑從舊志稍爲增飾以俟出局之後編加履歷卽如黃山東南鉅麗豈區區一眄可盡須引時月目力與足力俱窮始可繪圖則其餘諸山可次第而舉矣觀者毋誚其略

凡志必有分野陸子淵嘗謂其難通蓋有三說甚爲有理浙江通志亦有見于此而不能大破拘攣終于立之猶曰一省可也乃今一邑之地所轄幾何而循此迂邈乎毅然削之

凡志必有流寓向曾披大明一統志見此部中所載之人與人物名宦參錯不倫甚至有客勝主者以爲幸土之志非分土也奈何彼此相詫哉若果重脩當削

此例其于一方不妨私立乃今本邑雖
爲上縣而非衝途故亦可以無立然而
高皇駐蹕呂祖遊仙武穆過師謫仙訪侶
散見諸部可以雄矣

凡志舊有祠堂本邑誇揚氏族故特崇飭
宗祊豈惟旁擬三庠甚至上凌

九廟本敦族典反倍王章家家有之茲亦
不錄

凡志舊載坊市在淳熙志已有如望仙問
政之屬不爲一家一人設也尋有孝童
坊則爲今日之濫觴矣彼在魏科膺仕
亦旣高華至于青瑣黃扉不勝猥冒故
亦不錄

凡戶賦卹政關繫民生甚重舊志雖詳而
近有更改其所盈縮便宜非書生所知
則張公宏議具在而隄河諸議亦附之

凡志有禮樂而鄉飲未稱令典樂器尚在
缺典今悉釐正而莊嚴之已各爲盛典
矣

凡藝文舊志分入各部之下不便檢閱茲
志則博觀而精擇之總立一部固皆有
關於本邑者首以辭命固所以尊

王言而封贈誥勅則又不在此例其諸狀
傳誌銘固果名賢實錄然太繁難載則

雖當立傳者稍一采之不敢輕蕪也其
餘諸文非特有關於本邑而必在邑之
公者不在一家一人也詩部則孝子二
首烈婦二首媒發問荅雖各有所指然
正藉此以總狀本邑列女之賢不爲一
人也至于汪司馬水嬉記雖爲一人而
作然而狀盡新安之水則正本邑所賴
以自雄者故亟收之鄭師山橫山路記

亦爲一家而作然而諸凡義舉其文甚多無如此文甚古且中載鄂王事甚竒故獨收之本邑諸名公文皆屬已往而在異地名公則雖見存如李太史亦又不在此例諸山川品題俱各收之而黃山以未盡標其勝故其詩賦文章一槩不登以俟異日作黃山全志乃盡表出凡襍記則淳熙志所謂襍錄八條總之萬數千言其後弘治志與嘉靖志遍削而遍增之但多而不少也茲志襍記則俱屬往者之有遺近者之可述而舊者一槩不收以三志具存不必疊床架屋耳

歙志凡例終

歙志目錄

總紀卷一

志一

往代

昭代

考卷一

志二

疆域

考卷二

志三

建置

考卷三

志四

戶賦

郵政

考卷四

志五

禮樂

兵防

考卷五

志六

氏族

風土

物產

考卷六

志七

丘墓

寺觀

表卷一

志八

因革

邑屋

表卷二

志九

官師

表卷三

志十

選舉

恩命

任子

中書舍人

賞級

掾史

傳卷一

志十一

令宰

內外

傳卷二

志十二

通傳

上下

傳卷三

志十三

節概

才猷

傳卷四

志十四

勲烈 上下

傳卷五

志十五

文苑

傳卷六

志十六

士林

傳卷七

志十七

孝友

良民

傳卷八

志十八

列女 上下

傳卷九

志十九

藝能

傳卷十

志二十

貨殖

僊釋

載記卷一

志二十一

唐寇

宋寇

島寇

國慙

藝文卷一

志二十二

辭命

藝文卷二

志二十三

明謨

藝文卷三

志二十四

封事

藝文卷四

志二十五

碑記

藝文卷五

志二十六

碑記

藝文卷六

志二十七

雜著

藝文卷七

志二十八

詩

藝文卷八

志二十九

詩

雜記卷一

志三十

右總紀一卷考六卷表三卷傳十卷載
記一卷藝文八卷雜記一卷共三十卷

欽志目錄終

欽志總紀卷一

往代

秦始皇帝二十六年庚辰革封建分天下
為三十六郡定荆南地為鄣郡領縣五郡
治故鄣欽為次縣

漢武帝元封二年壬申改鄣郡為丹陽郡
領縣十七郡治宛陵欽為第十六縣今休
寧婺源績溪淳安遂安皆其屬地都尉分

次志

總紀一

渭

治于此

東漢光武皇帝建武中仍爲丹陽郡省宣城入宛陵郡治如故歙爲第七縣

獻帝建安十三年戊子討虜將軍孫權遣威武中郎將賀齊討歙賊金奇等平之遂定黟歙分歙東鄉爲始新南鄉爲新定西鄉爲黎陽休陽并黟歙爲六縣割于丹楊置新都郡郡治始新歙爲末縣

晉武帝泰康元年庚子平吳改新都郡爲新安郡郡治如故歙爲第四縣

宋武帝永初元年庚申仍以新安郡領六縣郡治如故歙爲第三縣

文帝元嘉三十年癸巳改新安郡爲東揚州分浙東五郡爲會州

孝武帝孝建元年甲午改會州爲東揚州合五郡于揚州

大明八年甲辰省黎陽入海寧僅為五縣
明帝泰始元年乙巳復併東揚州于揚州
齊仍新安郡領縣五郡治如故歙為第四
縣

梁武帝普通二年辛丑割吳之壽昌屬新
安郡復為六縣郡治如故歙為第五縣

五年甲辰復置東揚州

大同元年乙卯析歙華陽鎮地置良安縣

是為七縣

簡文帝大寶元年庚午侯景遣偽將元義
陷新安郡湘西侯蕭隱來奔歙

元帝承聖元年壬申侯景遣偽將呂子榮
攻歙尋敗去

二年癸酉復置黎陽縣分海寧黟歙黎陽
置新寧郡郡治海寧而歙為第四縣餘始
新遂昌壽昌為新安郡郡治如故

梁敬帝太平元年丙子并東揚州于歙州
陳文帝天嘉二年辛巳復置東揚州領新
寧郡

三年壬午省新寧郡復新安郡屬東揚州
省黎陽縣領縣六郡治如故歙爲第三縣
廢帝光大中邑人程靈洗累以擒敵功進
封重安縣開國公

隋文帝開皇九年巳酉置諸州總管罷天
下郡以州統縣改新安郡爲歙州并黟歙
于海寧刺史治州改始新爲新安縣并遂
安壽昌以屬婺

十一年辛亥復縣黟歙割海寧篁墩于歙
於是歙州領縣三黟歙海寧刺史徙治黟
歙爲次縣

十八年戊午改海寧爲休寧刺史徙治之
歙爲次縣

煬帝大業三年丁卯改歙州爲新安郡領
縣治郡如故

十二年丙子郡亂邑人汪世華起兵立嵒
萬歲山保郡行太守事并宣杭睦婺饒共
六州稱吳王

恭帝義寧元年丁丑徙郡治于烏聊山

唐高祖武德元年戊寅秋九月汪華以郡
納款封越國公總管六州尋罷冬十月改

新安郡爲歙州改太守爲刺史領縣治州
如故

太宗貞觀元年丁亥分天下爲十道歙州
屬江南西道採訪使

高宗永徽元年庚戌六月大雨溺死者衆
五年甲寅析歙置北野縣

玄宗開元二十八年庚辰土人洪真作亂
旣平析休寧鄱陽置婺源縣

天寶元年壬午改歙州爲新安郡

四載乙酉使者採銀鉛于歙之鄣山

六載丁亥改黟山爲黃山

七載戊子罷歙採銀鉛

天寶末年牛與蛟鬪於潭中數日牛出潭

色赤人謂蛟死

見廣異說

肅宗乾元元年戊戌正月改新安郡爲歙州二月盡蠲租庸五月置宣歙饒道以觀

察使鎮饒州

二年己亥罷宣歙饒道觀察使屬浙西觀

察使治蘇州

代宗永泰元年乙巳蘇寇方清陷歙州州

民保于山險

大曆元年丙午蘇寇平因析歙休地置歸

德縣析黟浮梁地置祁門縣又以旌德寇

王萬敵平析歙華陽鎮地置績溪縣於是

領有八縣而州治如故冬十二月復置宣
歙道觀察使兼領采石軍鎮宣州
五年庚戌省北野還歙省歸德還休寧領
縣六州治如故

憲宗元和三年戊子歙州大旱州民奏汪
華保障功得請立廟烏聊山祀之

泰和四年庚戌夏大水害稼

僖宗乾符六年己亥寇黃巢陷歙州州將

吳九郎死之

昭宗龍紀元年己酉淮南節度使楊行密
陷宣州宣歙觀察使趙皇死之行密自稱
宣歙觀察使

大順元年庚戌升宣歙道爲寧國軍

景福二年癸丑楊行密陷歙州刺史裴樞
奔京師以池州將陶雅爲刺史

天復三年癸亥改寧國軍爲宣歙道

昭宣帝天祐元年甲子陶雅增田賦

二年乙丑楊行密承制拜歙婺衢睦四州

都團練觀察處置等使尋卒子渥嗣立國

號吳

三年丙寅淮南將王茂章以宣歙二州附

錢璆

四年丁卯唐亡楊渥仍稱天祐歙復附吳

晉高祖天福二年丁酉徐知誥受楊溥禪

國號齊建元昇元歙隸齊

宋太祖開寶八年乙亥江南唐亡歙入于

宋

太宗太平興國元年丙子歙州屬江南道

領縣治郡如故初制鄉里

徽宗宣和二年庚子冬十月建德軍清溪

妖賊方臘反十二月陷歙州州將郭師中

死之

三年辛丑夏四月進勇副尉韓世忠從大將王淵大敗方臘軍世忠手擒臘忠州防禦使辛興宗掠其功五月詔被賊州縣給復三年改歙州爲徽州八月遷州治于城北

四年壬寅州治復故所

五年癸卯州新城成

高宗紹興元年辛亥六月江東盜張琪陷

徽州十一月琪伏誅

孝宗乾道八年壬辰水災城崩有司繕城淳熙二年乙未郡侯趙不悔聘邑人羅願成新安志

寧宗嘉定七年甲戌水災城崩有司大興工繕之

理宗紹定四年辛卯城南築漁梁壩成六年丙午建紫陽書院于紫陽山御書四

字賜額

寶祐四年丙辰封邑人程元鳳爲新安郡公

恭帝德祐二年丙子招討使李銓知州事王積翁等率衆降元夏四月副總制李世達等起義兵拒元不克走行在所邑人江友直爲州教授不食死

元世祖至元十四年丁丑升徽州爲上路隸江東道領縣六更知州爲總管以達魯花赤監路又置萬戶府錄事司

二十一年甲申置江浙行中書省治杭州而徽州領縣隸之

順帝至正十二年壬辰斬黃寇陷徽州路十四年甲午浙東元帥李克魯復徽州路十六年丙申浮梁兵起掠歙及休寧

昭代

太祖大明皇帝丁酉時爲吳國公遣大將
鄧愈胡大海取徽州路元將阿魯恢等棄
城遜更路爲興安府以鄧愈爲樞密院判
官鎮之奉宋帝龍鳳三年正朔
四年戊戌

太祖自寧國來駐師興安府烏聊山召見
諸儒唐仲實姚璉鄭居貞朱升

十年甲辰改興安府爲徽州府

十二年丙午

太祖爲吳王置中書省以徽州府隸之

大明洪武二年己酉立府縣儒學設新安

衛并千戶百戶所

十四年辛酉編賦役黃冊始設里長

十七年甲子秋八月郡城火延學門兩廡

建文帝元年己卯二月蠲直隸州縣田租

成祖文皇帝永樂十五年丁酉廢谷王榑
爲庶人徙置新安衛

英宗皇帝正統元年丙辰谷庶人榑自新
安衛歸于京師

憲宗皇帝成化八年壬辰大旱

十四年戊戌夏秋大旱

十六年庚子大旱

二十二年丙午夏水傷麥

孝宗皇帝弘治三年庚戌郡城火
五年壬子郡城東關災及儒學

十二年己未文公祠右柱產玉芝大如扇
十四年辛酉察院火延及稅課司東廊

武宗皇帝正德五年庚午府城西關外建
河西橋

世宗皇帝嘉靖三十年辛亥倭寇起邑人
王直徐海並入寇中分爲島王

三十四年乙卯倭寇數十人自杭州入邑
南畧從績溪以去知縣史桂芳劄邑城

三十九年庚申二月甲子申時地震從西
而東又儒學泮池產臺閣蓮數朶冬城成
四十四年乙丑十一月流賊入境虜掠燒
毀民舍丙寅三月復流入境

今上皇帝萬曆元年癸酉府城北關外建
萬年橋

十六年戊子十七年己丑游飢米斗一錢
八分民大瘟疫僵屍載道有司請蠲不迨
知縣彭好古行縣勸民有蓄者煮粥飢者
賴甦

二十八年庚子南京大璫入郡採礦抽稅
一時騷然有司以徽乃

孝陵祖龍豈可創脉苦議包貢自二十九
年起至三十四年罷

三十一年癸卯知縣方承郁重繕漁梁壩
成

三十四年丙午正月元日郡城稅務上火
三十五年丁未六月初四日淫雨不止大
水爲災巨蛟紛出湮沉廬舍衝沒土田流
亾人畜在在澤量有司請卹

三十六年戊申二月虎入府官舍五月六
月淫雨大水害稼六月靈山崩壞廬舍壓

死居民三十餘人秋郡守楊 創紫陽橋
三十七年己酉歲游飢斗米一錢三分物
價騰踊知縣張 多所興作以佐荒政民
無流殍

欵志總紀卷一終